



Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt& reges Francorum, Carolvm Martellvm, ...

Gretser, Jacob

[München], 1613

Jtem exemplar Epistolæ eiusdem Papæ, ad Domnum Pippinum Regem per VVilharum Episcopum atq[ue] Dodonem & VVichardum directa, in qua continentur gratiarum actiones, eiusdem Papæ, fidet constantia, vt ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

*Item exemplar Epistola eiusdem Pape, ad
 Dominum Pippinum Regem per Wilharium Episcopum atq;
 Dodonem & Wichardum directæ, in qua continentur gratia-
 rum actiones, eiusdem Pape, fidei constantia, ut nullus
 fauor, aut terror ab eius amore aut charita-
 te ullo modo possit sepa-
 rare.*

XIX.

*Summ. 21.
 Bar. &
 Cent.*

DOMNO excellentissimo filio nostro, & spiri-
 tali Compatri Pippino Regi Francorum, &
 Patricio Romanorum, Paulus Papa. Ad
 referendas gratiarum actiones præclare ac benignissi-
 me Excellentie vestre ob tanta beneficij præsidia san-
 ctæ Dei Ecclesiæ & populo Romano à vobis irrogatas;
 nullus, ut opinor, humanus sermo sufficere valebit.
 Neq; præmia huius mundi ad horum remuneratio-
 nem digna vobis possunt rependi, veruntamen est v-
 nus solus & verus, in tribus* substantiis consistens,
 Deus, qui iusta regni gaudia & victoriæ triumphum
 imperare ac retribuere Excellentie vestræ potest, in-
 terea properantibus ad nos, Wilchario scilicet, Reue-
 rendissimo fratre & coëpiscopo nostro, atq; Dodone,
 & Wichardo fidelissimis vestris Missis, obtulerunt no-
 bis mellifluos ac desideratissimos apices, à vestra desti-
 natos Christianissima Excellentia; quos intuentes
 protinus agnita prosperitate vestræ lætitiæ, solito ex-
 ultationis gaudio, interna pectoris nostri viscera re-
 dundauerunt, creatorem nostrum ac Redempto-
 rem Dominum Deum continuis precibus imploran-
 tes, ut diu nos ac sedulo de vestra ampliori iocun-
 ditate, & cœlitus de hostibus concessis vobis victo-
 riis,

** personis.*

** Wilchar-
 do.*

fiis, annuat gratulari. At vero, excellentissime fili, & spiritualis compater, per easdem honorabiles vestras syllabas, certissimam nobis solitæ pollicitationis fiduciam contulistis: uos firma perseverantia decertaturos fore, ad defensionem sanctæ Dei Ecclesiæ, & vniuersi populi Romani, atque totius prouinciæ, iuxta id, quod polliciti estis beato Petro, & eius Vicario, predecessori nostro, domno & germano meo, sanctæ recordationis, Stephano Papæ, & in ea vos sponsionis fide permansuros, & profecto, bone Christianissime, atque à DEO institute Rex, magna nobis in hoc credendi materia * conferitur. ** confertur.* Nec enim aliter, fidelium mentes æstimare possunt, quam id, quod crebro à vobis pro intuitu operatum cernimus, & rei experimentum didicimus.

Sed bone potentissime Regum, ecce nunc oportunitas, ecce necessitatis dies cogunt, & tempus ingruentis meriti exigit, vt sanctæ Dei Ecclesiæ, & huic à vobis liberatæ prouinciæ solite subuenire, atque succurrere quantocyus Christianitas vestra fatagat. Nos quippe, post Deum, & eius sanctam gloriosam Genetricem, atque sacratissimos ipsius Apostolos, fiduciam nostram alibi non habemus, nisi in vestram præclaram excellentiam: tu enim, post Deum, nobis refugium, Christianissime Rex, tu cum Dei brachio firma existis opitulatio, & vestri à Deo confortati Regni securitas, nostra est inmensa lætitia; quo tam nos, quamque vniuersus noster populus istius prouinciæ, (diuina vos satisfaciat maiestas,) firmi atque immobiles in vestra charitate, ac dilectione, & Regni vestri à Deo protecti Francorū, amoris constantia permanentes permanebimus, & nullus

nos poterit humanus fauor aut terror à vestri amoris dulcedine, charitatisq; affectu separare; sed vna nobis erit in vestro amore vita ac mors.

Quia verò innotuistis ob hoc vos praesentes direxisse Missos, vt agnoscere per eos valuissetis, vtrum nobis à parte Langobardorum plenariae factae fuissent iustitiae, an non: ipsi omnino causae meritum comperiti sunt, & callidam versutiam, atq; solite falsiloquam propositionem eorundem vestrorum nostrorumque aemulorum agnouerunt, eisq; ad vos reuertentibus, Deo propitio, vestris propalabunt in auribus, eis deniq; de singulis, quae à vobis iniuncta habuerunt, nobis referentibus, singillatim de omnibus responsum reddentes, in eorum posuimus ore, quae vestrae excellentiae suggerere debeant; effectum ex hoc à vestra ad ipse optantes excellentia.

Deus autem omnipotens, de throno suae Maiestatis super vos, regnumq; vestrum, atq; amantissimam coniugem, precelsum Reginam spiritalem verò Commatrem nostram, atque dulcissimos, vestros quidem carnales natos, nostros autem spiritales filios, nec non & super vniuersum Francorum populum, respicere dignetur, & sui brachij dexteram super vos extendat, atq; victorias vobis de caelo concedat, omnesq; aduersarios ante faciem vestram prosternat & praesentem vitam longo senio, & futuram beatitudinem vobis tribuat perenniter possidendam. Deus te incolumem custodiat Excellentissime fili.



Item